

ԱԶԴԱՐԱՐ

ՏԵՐԵԿԱՏՈՒ ԱՌԱՋՆՈՐԴԱՐԱՆԻ ՀԱՅՈՑ ԸՈՒՇՅՈՒ ԵՒ ՇՐՋԱԿԱՅԻՑ ՀԱՅՈՑ ԹԵՄԻՆ

P.O.Box: 8157, Salmiyeh 22052- Kuwait. Tel: 965-25614392, Fax: 965-25638312, e-mail: prelacy@armenianprelacykw.org

ՆՈՐ ՇՐՋԱՆ, Ը. Տարի, Թիւ 315, Չոդեքաբթի, 06 ՅՈՒՆՈՒԱՐ, 2016

ՀԱՄԱՅՆՔԱՅԻՆ

ARMENIAN CATHOLICOSATE
OF CILICIA
Antelias, Lebanon



كاثوليكوسية
الأرمن الأثوذكس
أنطلياس، لبنان

ԿԱԹՈՂԻԿՈՍՈՍՐԱՆ ՄԵՇԻ ՏԱՆՆ ԿԻԼԻԿԻՈՅ
Անթիլիաս, Լիբանան

Թիւ 4/16

Անթիլիաս, 4 Յունուար 2016

Գերաշնորհ
Տ. Մասիս Մ. Վրդ. Զօպուեան
Կաթողիկոսական Փոխանորդ
Քուէյթի եւ շրջակայի թեմին
Քուէյթ

Սիրելի՛ Հայր Սուրբ,

Մօտէն հետեւած ենք անցնող աւելի քան երկու տարիներուն Քուէյթի եւ Շրջակայից թեմէն ներս տարած աշխատանքիդ, նախ Կաթողիկոսական Փոխանորդի եւ ապա Առաջնորդի հանգամանքներով: Ուրախ ենք որ քեզի վստահուած այս պաշտօնը կը կատարես սիրով ու նախանձախնդրութեամբ:

Ի գնահատութիւն թեմէն ներս մատուցած ազգային-եկեղեցական ծառայութիւններուդ, այսու գրով քեզի կը շնորհենք **Զաքար Թագ** գործածելու իրաւունք՝ թեմէն ներս մատուցուելիք հանդիսաւոր պատարագներու ընթացքին:

Մեր յոյսն է ու մաղթանքը, որ այս գնահատանքը նոր մղում ու խանդ տայ քեզի առաւել աշխուժութեամբ լծուելու քեզի վստահուած առաքելութեան:

Կ'աղօթենք առ Ամենաբարին Աստուած, որ քեզի պարգեւէ քաջաողջ եւ երկար տարիներ եւ յաջողութեամբ պսակէ մեր եկեղեցւոյ եւ յատկապէս Քուէյթի եւ Շրջակայից թեմին մատուցած ծառայութիւններդ:

Հայրական սիրոյ ջերմ ողջունիւ,

Աղօթարար՝
Սեդրակ Ա.

ԱՐԱՄ Ա. ԿԱԹՈՂԻԿՈՍ
ՄԵՇԻ ՏԱՆՆ ԿԻԼԻԿԻՈՅ

Ն.Ս.Օ.Տ.Տ. ԱՐԱՍ Ա. ԿԱԹՈՂԻԿՈՍԻ Ա. ԾՆՆԴԵԱՆ ՀԱՅՐԱՊԵՏԱԿԱՆ ՊԱՏԳԱՍԸ

**ՔՐԻՍՏՈՍԻ ԾՆՈՒՆԴԸ՝
ՎԵՐԱԾՆՈՒՆԴԸ ՄԱՐԴՈՒՆ**

Աստուծոյ Որդոյն ծնունդը Բեթղեհեմի մէջ Յակոբոս Առաքեալ կը բնորոշէ որպէս՝ վերածնունդը մարդուն. **«Աստուած կամեցաւ մեզ վերստին ծնիլ»** (Յկ 1.18): Քրիստոնէական հաւատքին առանցքը կազմող Առաքեալին այս վկայութեան լոյսին տակ, սիրելի հայրդիներ, եկեք նայինք Աստուածաշունչին:



Արդարեւ, Աստուծոյ կամքը սկիզբն է ու մղիչ ուժը Աստուծոյ յայտնութեան: Աստուած կամեցաւ տիեզերքը ստեղծել. եւ ստեղծեց: Աստուած կամեցաւ ստեղծել մարդը, որպէս տիեզերքի պահապան եւ իրեն գործակից. եւ ստեղծեց մարդը օժտելով բանականութեան ու ինքնիշխանութեան շնորհներով ու միաժամանակ յիշեցնելով անոր իր ապրած կեանքին ու կատարած գործերուն համար իր Արարիչին համարատու ըլլալու պարտաւորութիւնը:

Հակառակ այն իրողութեան, որ մարդը շահագործեց Աստուծոյ կողմէ իրեն տրուած լայն կարելիութիւնները՝ զանոնք օգտագործելով իր փառքին ու հաճոյքին համար. ինչպէս նաեւ հակառակ այն իրողութեան, որ մարդը իր կեանքին ու կատարած գործին համար մերժեց հաշուետու դառնալ Աստուծոյ, սակայն Աստուած, որպէս գթասիրտ հայր, միշտ բարին կամեցաւ մարդուն համար: Աստուած իրմէ հեռացած մարդուն մօտեցաւ, իր սէրը մերժած մարդը սիրեց, եւ մոլոր ճամբաներէն քալող մարդը հրաւիրեց քալելու ճշմարիտ ճամբէն:

Սակայն, հակառակ մարդը իր անկեալ վիճակէն ազատագրելու Աստուծոյ բարի կամեցողութեան, մարդը շարունակեց մնալ մեղանչական ու մերժողական ընթացքի մէջ: Եւ երկնային ի՛նչ պարգեւ եւ անհո ւն սէր. մարդուն Երկնաւոր Հայրը այնքա՛ն սիրեց իր անառակ զաւակը, որ նոյնի՛սկ իր Միածին Որդին աշխարհ զրկեց որպէսզի մեղաւոր մարդը վերստին ծնելու երկնային շնորհքին արժանացնէ (Յհ 3.3,16):

Անհրաժեշտ է հետեւեալ ընդգծումները կատարել.-

Ա) **Աստուծոյ Որդոյն ծնունդին նպատակը մարդուն վերածնունդն է:** Քրիստոսի ճամբով Աստուած դարձեալ, եւ այս անգամ մարդկային բնութիւնը իւրացնելով, մօտեցաւ մարդուն, որպէսզի Աստուծմէ հեռացած մարդը Աստուծոյ մօտեցնէ, անառակ դարձած մարդը իր երկնաւոր Հօր որդեգիր զաւակը դարձնէ: Քրիստոսի ճամբով Աստուած մարդ դարձաւ որպէսզի, եկեղեցոյ հայրերուն բացատրութեամբ, մարդը աստուածանայ, այլ խօսքով՝ իր աստուածատուր բնութիւնը վերականգնէ: Բեթղեհեմը Աստուծոյ էջքն է մարդուն եւ մարդուն ուղղուած երկնային հրաւեր՝ բարձրանալու առ Աստուած: Բեթղեհեմը Աստուծոյ ու մարդուն հանդիպումն է: Բեթղեհեմը Որդոյն ծնունդն է ու միաժամանակ մարդուն ուղղուած կոչ մը՝ վերստին ծնելու աստուածային միջամտութեամբ, այլ խօսքով՝ վերամարդանալու:

Բ) **Աստուծոյ Որդոյն ծնունդին նպատակը մարդուն փրկութիւնն է:** Դրախտէն վտարուած մարդը շարունակած էր իր մեղապարտ կեանքը, հակառակ Աստուծոյ մարգարէներուն բազմիցս յիշեցումներուն: Մարդը դարձած էր իր փառքին ու հաճոյքին, իր անձին գերին: Անձնակեդրոն կեանքը մերժումն է աստուածակեդրոն կեանքին: Տռանց Աստուծոյ ներկայութեան մարդու կեանքը դատապարտուած է մահուան: Բեթղեհեմի մէջ Աստուծոյ Որդին կը մարդեղանար մարդուն կեանքը Աստուծոյ ներկայութեամբ իմաստատրելու ու մարդը առաջնորդելու դէպի փրկութիւն տանող ճամբան: Արդ, Քրիստոսի ծնունդը մարդուն վերածննդեան աւետիսն է եւ հրաւերը: Եւ մարդուն վերստին ծնունդը՝ մարդը դէպի փրկութիւն առաջնորդող երաշխիքը:

Ահա վկայությունը Աստուածաշունչին: Ի՞նչ է այս անհերքելի վկայությունն եկող պատգամը մեր ժողովուրդի գաւակներուն: Ի՞նչ կ'ըսէ այսօր՝ մարդուն վերածնունդ պարգեւելու առաքելութեամբ Բեթղեհեմի մէջ ծնած աշխարհի Փրկիչը: Եկէ՛ք, լսենք խօսքը Աստուծոյ Որդոյն.-

Քրիստոս կ'ըսէ՛ եւ աշխարհ եկայ որպէսզի **կեա՛նք** ունենայք (Յհ 14.6) վաւերական ու յաւիտենական կեանք, Աստուծոյ ներկայութեամբ շաղախուած կեանք, քրիստոսատուր ու քրիստոսակեդրոն կեանքը: Ինքնաքննութեան ճամբով հարց տանք մեր անձերուն. արդեօք ունի՞նք այդ կեանքը: Քրիստոսի աշխարհ բերած կեանքը ունենալու համար ի՞նչ կ'ընենք. հաւատքով, սիրով ու ծառայութեամբ թրծա՞ծ ենք մեր կեանքը: Առաքեալը կ'ըսէ՛ **«ինծի համար կեանքը Քրիստոս է»** (Փլպ 1.21), հետեւաբար, **«ես չէ՛ որ կ'ապրիմ, այլ՝ Քրիստոս է որ կ'ապրի իմ մէջս»** (Գղ 2.20): Քրիստոս կ'ապրի՞ մեր մէջ. ներկա՞յ է Ան մեր մտածումներուն, խօսքերուն ու գործերուն մէջ...:

Խաւար աշխարհին դիմաց Քրիստոս կ'ըսէ՛ եւ եւ **լոյսը** աշխարհին (Յհ 8.12): Մարդը դէպի խաւարային մտածումներ ու գործեր առաջնորդող եւ մարդուն կեանքը խաւարով շրջապատող ներկայ «լուսաւոր» աշխարհին մէջ կ'անդրադառնա՞նք արդեօք, որ Բեթղեհեմէն ճառագայթող լոյսն է աշխարհի ճշմարիտ լոյսը, կենարար լոյսը: Պատրա՛ստ ենք Քրիստոս-լոյսով լեցուելու ու լուսաւորելու մեր կեանքն ու շրջապատը: Առանց Քրիստոսի լուսափայլ ներկայութեան խաւար է մեր կեանքը:

Նիւթեղէն առաւելութիւններով յոփացած ներկայ ընկերութեան Քրիստոս կը յիշեցնէ՛ թէ ի՛նքն է աշխարհի ճշմարիտ հացը, կեանքի **հացը** (Յհ 6.35), ոգեղէն հացը: Իր արիւնը թափելով խաչին վրայ եւ յարութեամբ մահը յաղթելով Քրիստոս աշխարհին ճշմարիտ հացը դարձաւ: Արդեօք երկիւղածութեամբ ու ապաշխարութեամբ մօտենալով կը ճաշակե՞նք Քրիստոս-հացը, անով պաշտպանուելու կեանքի վտանգներուն դիմաց, անով զինուելու չարի յարձակումներուն դիմաց:

Մեր կեանքին առջեւ բացուած բազմազան ճամբաներուն դիմաց Քրիստոս կ'ըսէ՛ եւ եւ ճշմարիտ **ճամբան** (Յհ 14.6): Իր կեանքի ճշմարիտ ճամբան կորսնցուցած մարդուն, Քրիստոս ցոյց կու տայ դէպի վերստին ծնունդ ու փրկութիւն տանող ճամբան: Արդեօք հաւատարմօրէն կը քալե՞նք Քրիստոս-ճամբայէն խաչը մեր ուսին հետեւելով իր թելադրութեան (Մտ 10.38):

Ներկայ աշխարհին մէջ մեր դիմաց գտնուող այլազան դռներուն դիմաց Քրիստոս կ'ըսէ՛ եւ եւ **դուռը**. ան որ այս դռնէն ներս մտնէ պիտի փրկուի (Յհ 10.9): Պատրա՛ստ ենք մեր քայլերը հաւատքով ամրացած ուղղելու դէպի Քրիստոս-դուռը ու զայն թակելու ըսելով՝ «բա՛ց մեզ Տէր...»:

Այո՛, սիրելի հայրերէնք, Բեթղեհեմի ճամբով Քրիստոս մեզի համար յաւիտենական կեանք է, ճշմարիտ լոյս, կենարար հաց, վաւերական ճամբայ ու կեանքի դուռ՝ մեզ դէպի վերստին ծնունդ առաջնորդող: Քրիստոսը հալածած եւ ապա Քրիստոսի հաւատքով հզօրացած ու անոր Աւետարանին մեծագոյն քարոզիչը դարձած Պօղոս Առաքեալ կը յիշեցնէ՛ մեզի թէ՛ ան որ **«Քրիստոսի միացած է՛ նոր արարած է»** (Բ. Կր 6.17): Քրիստոսի միանալու, Քրիստոսով վերստին ծնունդին արժանանալու համար պէտք է Բեթղեհեմի մէջ ծնող Աստուծոյ Որդին ընդունիլ եւ մեր կեանքով ու գործով զինք դաւանիլ որպէս մեր կեանքին լոյսը, հացը, ճամբան, դուռը, այլ խօսքով՝ մեր կեա՛նքը:

*
* *
*

Աստուածայայտնութեան հոգեպարար տօնին առիթով Հայրապետական օրհնութեամբ կ'ողջունենք Հայաստանի Հանրապետութեան Վսեմաշուրք Նախագահ Տիար Մերժ Սարգսեանը, մաղթելով իրեն արդիւնաշատ հայրենանուէր գործունէութիւն: Եղբայրական ջերմ սիրով կ'ողջունենք Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսը, հայցելով Ամենաբարին Աստուծմէ, որ իրեն շնորհէ եկեղեցաշէն իրագործումներով հարուստ երկար գահակալութիւն: Նոյն սիրով կ'ողջունենք Երուսաղէմի Հայոց Պատրիարք՝ Ամենապատիւ Տ. Նուրհան Արք. Մանուկեանը եւ Կոստանդնուպոլսոյ Հայոց Պատրիարք՝ Ամենապատիւ Տ. Մեսրոպ Արք. Մուրաֆեանը, մաղթելով իրենց եկեղեցանուէր ծառայութեամբ լեցուն գահակալութիւն: Հայրական անհուն սիրով կ'ողջունենք Մեծի Տանն Կիլիկիոյ Կաթողիկոսութեան ենթակայ մեր Թեմակալ Առաջնորդները, հոգեւորական դասը, ազգային իշխանութեանց մարմինները եւ մեր սիրելի ժողովուրդին գաւակները, աղօթելով որ Բեթղեհեմի Փրկիչը առաջնորդ ու պահապան ըլլայ իրենց:

ԱՐԱՄ Ա. ԿԱԹՈՂԻԿՈՍ
ՄԵԾԻ ՏԱՆՆ ԿԻԼԻԿԻՈՑ

6 Յունուար, 2016 Անթիլիաս, Լիբանան

ԱՌԱՋՆՈՐԴ ՀՕՐ ԾՆՆԴԵԱՆ ՊԱՏԳԱՄԸ

ԽՈՐՀՈՒՐԴ ՄԵԾ ԵՒ ՍՔԱՆՉԵԼԻ

«Եւ յայտնապէս մեծ է աստուածապաշտութեան խորհուրդը.
Աստուած մարմնով յայտնուեցաւ» 1 Տիմ. 3:10

Քրիստոսի ծննդեան դէպքը սովորական դէպք մը չէր, այլ հրաշափառ դէպք մը ուր Աստուած ինքզինք յայտնեց համայն մարդկութեան: Քրիստոսի ծնունդը ուրախութիւն եւ ցնծութիւն պատճառեց ո՛չ միայն խաւարի մէջ ապրող հեթանոս մարդոց, այլ նոյնիսկ երկինքը իր հրեշտակներով ցնծաց «Փառք ի բարձունս» օրհնաբանելով: Քրիստոսի Ծնունդը մեզի համար ալ ուրախութեան առիթ է, որովհետեւ Փրկիչը այսօր նաեւ ծնաւ մեր մէջ, մեր սրտերուն մէջ, մեր սրտերը վերածելով խոնարհ ու պարզ մտւորներու ուր Արքան պիտի գայ թագաւորելու:



Քրիստոսի Ծնունդը Խաղաղութեան պատգամ բերաւ իր հետ: Քրիստոսի Ծնունդով խաղաղութիւն հաստատուեցաւ երկրի վրայ եւ բոլոր ժողովուրդներուն մօտ՝ եղբայրութիւն ու հաճութիւն: Խաղաղութեան Իշխանի խաղաղարար պատգամին կարօտն է աշխարհը, մանաւանդ ներկայ ժամանակներուն, երբ քաղաքական անկայունութիւն կը տիրէ ամէնուրեք, երբ թշնամութիւնը կը խորանայ պետութիւններու ու ժողովուրդներու միջեւ եւ կը մղուին անվերջ ու կործանարար պատերազմներ:

Քրիստոսի Ծնունդը Փրկութիւն բերաւ համայն մարդկութեան: Սոգերէն սկսեալ, մինչեւ խաչելութեան ակնատես բազմութիւնները, եւ դեռ մինչեւ այսօր, Քրիստոսի Ծնունդը հիմնաքարն է փրկութեան, յաւիտենական փրկութիւն մը՝ պատկանող բոլոր ժամանակներուն մէջ ապրող բոլոր ժողովուրդներուն:

Քրիստոսի Ծնունդը Աստուծոյ պարզեւած մեծագոյն պարզեւն է, որոնք ընդմէջէն Աստուած իր բացարձակ Սէրը յայտնեց մարդկութեան, աշխարհին ընծայելով իր Միածին Որդին: Հետեւաբար Քրիստոսի Ծնունդի սօսին, որպէս պատասխան Աստուածային մեծ արարքին, մենք ալ մեր կարգին ուրիշին տանք սէր, ներողամտութիւն եւ համեստութիւն՝ խաղաղութիւն բաժնելով մեր շրջապատին:

Քրիստոսի Ծննդեան այս օրը, կը յիշենք Անոր ծնողները Մարիամն ու Յովսէփը, որոնք մաքրութեան ու պարգոյութեան խորհրդանիշներ դարձան Քրիստոսոսի Եկեղեցոյ համար: Կը յիշենք երեք մոզերը, իմաստուն այն մարդիկը, որոնք Աստուծոյ ճանապարհը ընտրեցին եւ Անոր

երկրպագելու գացին իրենց հետ տանելով ոսկի, գնուռս եւ կնդրուկ: Այս օրը նաեւ օրն է ա՛յն հովիւներուն, որոնք որոշեցին երթալ եւ տեսնել մեծ դէպքը՝ Բեթղէհէմի խոնարհ մտւրիւն մէջ ծնած Մանուկը, ցոյց տալով համայն մարդկութեան թէ աստուածայաշտութիւնը հիմնուած է խոնարհութեան վրայ եւ թէ Աստուած կը փնտռէ պարզերն ու պարզութիւնը, սրտի մաքրութիւնը եւ ճշմարտութիւնը: Տակաւին Քրիստոսի Ծննդեան դէպքին մէջ կը հանդիպինք մարդոց, որոնք խաղաղութեան մթնոլորտին մէջ չարութիւն ու աստելութիւն կը ցանկան եւ վտանգ կը դառնան շրջապատին՝ ինչպէս Հերովդէս:

Քրիստոսի Ծնունդը հրաւեր մըն է որ ապաշխարութեամբ վերստին ծնինք եւ **Նոր մարդ** դառնանք: Քրիստոսի Ծննդեան այս օրը, նուիրումի, ինքնընծայումի ու ծառայութեան օր ու հրաւեր է բոլորիս: Քրիստոսի Ծննդեան այս օրը, Սէր բաշխելու, խաղաղութեան ու հաշտութեան օր է: Քրիստոսի Ծննդեան օրը, ճշմարիտ եւ ուղիղ երկրպագութեան օր է, որպէսզի խոնարհութեամբ, Տիրոջ ծնունդը ու հրաշափառ գալուստը օրհնաբանենք:

Վերջապէս, Բեթղէհէմէն բարձրացող աստուածային կանչը, այսօր մեր ականջներուն ալ լսելի կը դառնայ. «**Մի Վախնաք**»: Հին եւ Նոր կտակարաններուն մէջ բազմիցս յիշուած Աստուծոյ այս բառերը, կու գան հաստատելու, թէ՛ մանկացեալ Յիսուսը՝ հօգր Արքան է, որ խոստացաւ «**մեր հետ ըլլալ**» Իր Ծննդեան օրը, իր Խաչելութեան երեկոյեան, Յարութեան առաւօտուն եւ մինչեւ աշխարհի վախճանը:

Քրիստոսի Ծննդեան եւ Աստուածայայտնութեան տօներուն առիթով, Թեմիս ժողովականութեան, ժողովուրդին եւ անձնապէս, որդիական ակնածանքով մեր ջերմագին շնորհաւորութիւնները կ'առաքենք Մեծի Տանն Կիլիկիոյ Գահակալ՝ Ն.Ս.Օ.Տ.Տ. Արամ Ա. Կաթողիկոսին մաղթելով Վեահափառ Հայրապետին առողջութիւն եւ երկար ու երջանիկ գահակալութիւն:

Այս առթիւ կը շնորհաւորենք Քուէթի եւ շրջակայ երկիրներու մեր սիրեցեալ ժողովուրդի զաւակներու Նոր Տարին եւ Ս. Ծնունդը, ձայնակցելով հրեշտակներուն համարձակօրէն կ'աղաղակենք ըսելով՝

ՓԱՌՔ Ի ԲԱՐՁՈՒՆՍ ԱՍՏՈՒԾՈՅ ԵՒ ՅԵՐԿԻՐ ԽԱՂԱՂՈՒԹԻՒՆ

Ի ՄԱՐԴԻԿ ՀԱՃՈՒԹԻՒՆ

ՔՐԻՍՏՈՍ ԾՆԱԻ ԵՒ ՅԱՅՏՆԵՑԱԻ

ՁԵԶԻ ՄԵԶԻ ՄԵԾ ԱԻԵՏԻՍ

**Աղօթարար՝
Մասիս Ծ. Վրդ. Զօպուեան
Առաջնորդ Քուէթի եւ Շրջակայից Թեմին**

**5 Յունուար 2016, Քուէթ
Ճրագալոյս Ս. Ծննդեան**

WWW.AZTARAR.COM

ՄՏԵՓԱՆՈՍ ՆԱԽԱՎԿԱՅԻ ԵՒ ՍԱՐԿԱԽԱԳԱՑ ՏՕՆԻ ՆՇՈՒՄ ՔՈՒԷՅԹԻ ՄԷՋ

Ուրբաթ, 25 Դեկտեմբերին Քուէթի Սրբոց Վարդանանց եկեղեցւոյ մէջ նշուեցաւ Ս. Ստեփանոս նախասարկաւագին տօնը, որ տօնն է Աստուծոյ Ս. Սեղանին սպասարկող բոլոր սարկաւագներուն: Իր քարոզին մէջ Թեմիս Առաջնորդ՝ Գերայ. Տ. Մասիս Ծ. Վրդ. Զօպունեան անդրադարձաւ Ս. Ստեփանոսի կեանքին ու առաքելութեան: Հայր Սուրբը այս առթիւ շնորհաւորեց Ս. Վարդանանց եկեղեցւոյ նախկին եւ ներկայ բոլոր Սարկաւագներն ու սպասաւորները, անոնց մատուցած աստուածահաճոյ ծառայութեան համար:

Այս առիթով յիշենք եկեղեցւոյս ծառայած եւ ծառայող բոլոր սարկաւագները, որոնք են ըստ երիցութեան. - Յովհաննէս Պարտազճեան, Քեռի Սարգիսեան, Աւետիս Ագթաւուզեան (Տէր Սարգիս), Յովհաննէս Սերոբեան, Ռոստոմ Սարգիսեան, Հայկ Չիչեան, Գրիգոր Անուշեան, Յակոբ Սարգիսեան, Յակոբ Թադոյեան, Գեորգ Թեմամեան,



Շանթ Աթաշեան, Վաչէ Թաշճեան, Սարգիս Սարգիսեան եւ Ճորճ Արապաթլեան: Նաեւ ունինք կիսասարկաւագներ՝ Աշոտ Գոյլումճեան, Համօ Սարգիսեան եւ Շանթ Թադոյեան, իսկ ուրարակիր կիսասարկաւագուհիներ՝ Լուսիկ Քահքէճեան, Լենա Մինասեան եւ Տաթևիկ Մուշլեան:

Պատարագի ընթացքին, սարկաւագները սաղաւարտը իրենց գլխուն ի տես ժողովրդեան ծառայեցին Աստուծոյ Ս. Սեղանին:

www.tert.am

ՀՍՅԱԿԱՆ

Դաւիթ Բաբայեան. «Անցնող Տարուան Մեծագոյն Բարդութիւնը Այն էր, Որ Անդառնալի Կորուստներ Եղան»

Լեոնային Ղարաբաղի Հանրապետութեան նախագահի մամլոյ բանբեր Դաւիթ Բաբայեան «Թերթ»-ին հետ ունեցած զրոյցին ընթացքին անդրադարձած է հայ իրականութեան մէջ 2015 թուականին արձանագրուած իրադարձութիւններուն՝ նշելով, որ անիկա բարդ տարի մը եղած է Արցախի համար:



«Հայրենիքը պաշտպանելու ընթացքին գոհեր ունեցանք: Ատիկա բոլորիս համար ողբերգութիւն էր, քանի որ իւրաքանչիւր զինուորի կորուստ մեզի համար անձնական կորուստ է: Տարին լարուած էր, քանի որ հակառակորդը կը գործածէր ծանր զինատեսակ՝ խախտելով զինադադարի դրութիւնը», յայտնած է ան:

Իբրեւ տարուան մեծագոյն դժուարութիւններէն մէկը, Բաբայեան անդրադարձած է նաեւ Գիւմրիի մէջ Աւետիսեաններու սպանութեան, ինչպէս նաեւ Սուրիոյ մէջ հայերուն դիմագրաւած դժուարութիւններուն:

«Միւս կողմէ այլ վստահաբար, եղած է նաեւ ձեռքբերումներու տարի: Շարունակուած է պետականաշինութեան հոլովոյթը: Բանակի մարտունակութիւնը բարձրացած է, հակառակորդին կողմէ ձեռնարկուած բոլոր ոտնձգութիւնները ետ շարտուած են: Արցախի տնտեսութիւնը նախնական կանխատեսումներու հիման վրայ, կարելի է ըսել, որ համախառն ներքին արդիւնքը մօտաւորապէս 9 առ հարիւրով աճ ունեցած է, ինչ որ կարելոր ձեռքբերում է», ըսած է ան:

Դ. Բաբայեան Արցախի պետականաշինութեան համար կարելոր ձեռքբերում նկատելով 2015-ին տեղի ունեցած խորհրդարանական ընտրութիւններու արդիւնքով ստեղծուած նոր, «արհեստավարժ խորհրդարան»-ը, նկատել տուած է. «Թէեւ այդպիսով բոլոր հարցերը չեն լուծուիր, այդուամենայնիւ, ատիկա շատ կարելոր քայլ է: Մարմնակրթութեան, գիտութեան, մշակոյթի եւ այլ մարզերու մէջ նոյնպէս շօշափելի յաջողութիւններ ունեցանք»:

Անդրադառնալով Լեոնային Ղարաբաղի Հանրապետութեան միջազգային ճանաչման՝ Դաւիթ Բաբայեան ըսած է, թէ ընդհանրապէս վերջին տարիներուն այդ հոլովոյթը լայն թափ ստացած է:

2016-ի ակնկալութիւններուն կարելորագոյնը խաղաղութիւնն է. «Աշխարհաքաղաքական զարգացումները այնպէս են, որ հակառակորդը, ըստ երեւոյթին, պիտի շարունակէ իր ստոր քայլերը: Հաշուի առնելով այն հանգամանքը, որ Ազրպէյճանի մէջ իրավիճակը կը բարդանայ, հետեւաբար ներքին լարուածութիւնը շեղելու համար անոնք պիտի դիմեն սահմանային լարուածութեան: Պատրաստ ենք ըստ ամենայնի շարունակելու պետութեան զարգացումը: Յոյսով ենք, որ կրնանք աւարտին հասցնել Սոթք-Մարտակերտ մայրուղին, որ կարելոր է, ռազմավարական մեծ նշանակութիւն ունի», ընդգծած է Դաւիթ Բաբայեան:

Ան նաեւ լուսարձակի տակ առած է այն երեւոյթը, որ 2016-ին պիտի սօնուի Արցախի Հանրապետութեան կազմաւորման, անկախութեան 25-ամեակը:

«Մովսէս Խորենացի»-ի Մետալ՝ Կիրո Մանոյեանին

Հայոց ցեղասպանութեան 100-ամեակին նուիրուած նախաձեռնութիւններու կազմակերպման աշխատանքներուն ցուցաբերած գործուն աջակցութեան համար նախագահ Սերժ Սարգսեան Հայ յեղափոխական դաշնակցութեան Բիւրոյի անդամ, Բիւրոյի Հայ դատի եւ քաղաքական հարցերու գրասենեակի պատասխանատու Կիրո Մանոյեանը պարգևատրած է «Մովսէս Խորենացի»-ի մետալով:



Նախագահ Սարգսեան Կադանդին Այցելեց Հիւսիսարեւելեան Սահմանի Պաշտպանական Տեղամաս



Հայաստանի նախագահ, զինուած ուժերու գերագոյն գլխաւոր հրամանատար Սերժ Սարգսեան Ամանորի եւ Մուրբ Ծննդեան տօներուն առիթով, պաշտպանութեան նախարար Սէրյան Օհանեանի հետ 31 Դեկտեմբեր 2015-ին այցելած է երկրի հիւսիսարեւելեան հատուածի սահմանագիծը պահող պաշտպանական տեղամասերէն մէկը:

Նախագահը հանդիպած է զինուորական դիրքերու վրայ ծառայութիւն կատարող զինուորներուն եւ հրամանատարներուն հետ, շրջայց կատարած զինուորական յենակէտերը եւ ծանօթացած ծառայութեան աշխատանքին, ինչպէս նաեւ զինուորներուն կենցաղային պայմաններուն:

Նախագահ Սերժ Սարգսեան ծառայութեան ընթացքին իրենց անձնուիրութեամբ եւ խիզախութեամբ աչքի ինկած զինուորական ծառայողներուն՝ խումբ մը սպաներու եւ զինուորներու յանձնած է նուէրներ:

Նախագահը տօնական սեղանի շուրջ զրուցած է զինուորական ծառայողներու հետ, շնորհաւորած հայոց բանակի բոլոր զինուորական ծառայողները՝ գալիք տօներուն առիթով, յղած բարեմաղթանքներ եւ շնորհակալութիւն յայտնած է անձնուէր ծառայութեան համար:

Իր շնորհաւորական խօսքին մէջ նախագահ Սերժ Սարգսեան կարելոր նկատած է հայրենիքի սահմանները յատկապէս առաջնագիծին վրայ պաշտպանող զինուորներու ծառայութիւնը՝ ընդգծելով, որ ամբողջ հայ ժողովուրդը կը հպարտանայ անոնցմով եւ զինուորներուն հետ է՝ բոլոր անոնց, որոնք մեծ պատիւով ու պատասխանատուութեամբ, նաեւ կեանքի գնով կը պաշտպանեն մեր պետութիւնը: Նախագահը զինուորական ծառայողներուն մաղթած է տոկունութիւն եւ խաղաղ ծառայութիւն: Նախագահը այցելած է նաեւ սահմանամերձ Բերդաւան համայնք, հանդիպած է բնակիչներուն հետ, շնորհաւորած զանոնք տօներուն առիթով, զրուցած է բնակիչները յուզող եւ հետաքրքրող հարցերու շուրջ:

Մէրան Օհանեան Այցելած Է Չոհուած Չիւտօրներուն Ընտանիքներուն

3 Յունուարին Հայաստանի պաշտպանութեան նախարար Մէրան Օհանեան այցելած է հայրենիքի պաշտպանութեան համար զոհուած Արմէն Յովհաննիսեանի, Ազատ Ասոյեանի, Արթուր Առաքելեանի եւ ծանրօրէն վիրաւորուած Սարգիս Ստեփանեանի ընտանիքներուն: Ըստ պաշտպանութեան նախարարութեան տեղեկատուական բաժանմունքին, այս ընտանիքներուն մէջ կան նորածիններ կամ պիտի ծնին նոր երեխաներ:

Ազատ Ասոյեանի նորածին եղբայրը՝ Նարեկը, ծնած է 7 յուլիս 2015-ին: Արթուր Առաքելեանի մայրը՝ Սաթենիկ Առաքելեանը եւս շուտով կը մայրանայ, եւ Արթուրի ծնողները որոշած են, որ նորածին որդին եւս անպայման պիտի ծառայէ բանակին մէջ:

«Մարդը ֆիզիքապէս կրնայ հաշմանդամ ըլլալ, բայց հոգեպէս հաշմուած ըլլալու իրաւունք չունի»: ասիկա պաշտպանութեան նախարար Մէրան Օհանեանի բանաձեւումն է, որ տուած է վիրաւոր զինուոր Սարգիս Ստեփանեանին: Ան կը պատրաստուի ծառայողական աստիճանով աւելի բարձրանալ, յառաջիկային կ'ուզէ ուսանիլ զինուորական ակադեմիային մէջ:

«Միալելու իրաւունքէն մեզ զրկած են այն քաջերը, որոնք հերոսաբար զոհուեցան յանուն հայրենիքի, անմահացան՝ ձուլուելով յաւերժին մէջ: Հերոսներ են նաեւ հայ առիւծասիրտ մայրերը: Մեր հայրենիքը անոնց կուրծքէն, սերէն եւ որդիներուն թափած արիւնէն կը սկսի: Մեր եւ նուիրում դէպի հայրենիքը՝ կը ներշնչեն եւ կ'ուսուցանեն հայրենասէր մայրերը: Ազգի յաւերժութիւնը կը կերտեն անձնուրաց մայրերը, որոնք ընդունելով իրենց որդիներուն զոհաբերումը, անկոտորում կամքով կը դիմակայեն փորձութիւնները: Իսկապէս, որ մայրերու ափերուն մէջ պէտք է փնտռել ազգի մը ճակատագիրը», ըսած է Մէրան Օհանեան՝ զոհուած զինուորներուն ծնողներուն դիմելով:



ՄԻՋԱԶԳԱՅԻՆ

Քերրի Ռիատ-Թեիրան Լարուածութեան Հանդարտեցման Համար Հեռաձայնեց Չարիֆի. Սուտան Եւ Պահիլն Պիանագիտական Յարաբերութիւնները Կը Խզեն Իրանի Հետ



Միացեալ Նահանգներու արտաքին գործոց նախարար Ճոն Քերրի Երեքշաբթի օր հեռաձայնեց իր իրանցի պաշտօնակից Սոհամետ Ճաւատ Չարիֆի եւ անոր հետ քննարկած է Իրան-Սէուտական Արաբիա յարաբերութիւններուն առնչուող վերջին զարգացումները:

Իրանի հետ դիւանագիտական յարաբերութիւնները խզելու սէուտական որոշումէն ետք, Միացեալ Նահանգներ շրջանի

ղեկավարներուն կոչ ուղղեցին՝ լարուածութիւնը թուլացնելու քայլերու դիմելու:

Միացեալ Նահանգներու արտաքին գործոց նախարարութեան բանբեր Ճոն Քերրի յայտնեց, որ դիւանագիտական երկխօսութիւնն ու ուղղակի բանակցութիւնները տարակարծութեան լուծման հիմնական միջոցներն են: Ան աւելցուց, որ իր երկիրը պիտի շարունակէ շրջանի ղեկավարները քաջալերել լարուածութեան թուլացման համար դրական քայլերու դիմելու:

Ռուսիոյ արտաքին գործոց նախարարութենէն դիւանագիտական աղբիւր մը «ՌԻԱ Նովոսթի»-ի հետ զրոյցի մը ընթացքին ցաւ յայտնեց «իսլամական աշխարհի երկու մեծագոյն, շրջանի եւ համաշխարհային քարիւղի շուկայի ամենէն ազդեցիկ երկիրներուն միջեւ յարաբերութեանց վատթարացման առնչութեամբ»: Ան ըսաւ, որ Մոսկուա պատրաստ է Ռիատի եւ Թեիրանի միջեւ միջնորդութիւն կատարելու: Ան նաեւ նշեց, որ Մոսկուա կոչ կ'ուղղէ Սուրիոյ շուրջ Վիեննայի ձեւաչափով բանակցութիւնները շարունակելու՝ մասնակցութեամբ Իրանի եւ Սէուտական Արաբիոյ:

Ռուսիոյ արտաքին գործոց նախարարութիւնը աւելի ուշ ակնարկելով Թեիրանի մէջ սէուտական դեսպանատան ու հիւպատոսարանի հրկիզումներուն շեշտեց. «Կարելի չէ դիւանագիտական առաքելութեանց դէմ յարձակումը ընդունիլ իբրեւ քաղաքական տեսակէտի արտայայտման միջոց»:

Իրան. «Սէուտական Արաբիա Թեիրանի Մէջ Իր Դեսպանատան Դէմ Յարձակումը Օգտագործեց Իբրեւ Յաւելեալ Լարուածութիւն Յառաջացնելու Պատրուակ»

Իրանի արտաքին գործոց նախարարութեան բանբեր Հիւսէյն ժապեր Անսարի Սէուտական Արաբիան ամբաստանեց իրանեան հողամասերուն մէջ ահաբեկչական հոսանքներուն աջակցելու, ինչպէս նաեւ շրջանին մէջ հաւատադրժողականներուն աջակցելու յանցանքով:

Ան ըսաւ, որ միջազգային ընտանիքը Ռիատին պիտի չարտօնէ շարունակել շրջանին մէջ լարուածութիւն ու տազնապներ յառաջացնելու քաղաքականութիւնը:

Անսարի ըսաւ, որ Թեհրանի հետ իր դիւանագիտական յարաբերութիւնները խզելու Ռիատի քայլը իր ներքին հարցերը ծածկելու համար է՝ վստահեցնելով, որ Իրան յանձնառու է իր հողամասերուն վրայ գտնուող օտար դիւանագիտական առաքելութեանց պաշտպանութեան նկատմամբ:

Ան ըսաւ, որ Սէուտական Արաբիան Թեհրանի մէջ իր դեսպանատան դէմ յարձակումը օգտագործեց իբրեւ շրջանին մէջ յաւելեալ լարուածութիւն յառաջացնելու պատրուակ՝ աւելցնելով, որ Ռիատ շրջանին մէջ լարուածութիւնն ու տազնապները կը մղէ մագլցումի:

Նշենք, որ Սուտան Երեքշաբթի օր յայտարարեց, որ կը խզէ Իրանի հետ իր դիւանագիտական յարաբերութիւնները եւ երկրէն վտարեց Իրանի դեսպանը: Պահրէյն իր դիւանագետները տուն կանչեց Իրանէն եւ իրանեան դեսպանատան ամբողջ անձնակազմին 48 ժամուան պայմանաժամ տուաւ թագաւորութենէն հեռանալու: Ապու Տապի իր կարգին յայտարարեց, որ կը նուազեցնէ Իրանի մէջ իր դիւանագիտական ներկայացուցչութեան մակարդակը: Ալճերիա Իրանի եւ Սէուտական Արաբիոյ կոչ ուղղեց ողջախոհութիւն եւ ինքնագապում ցուցաբերելու:

Նշենք, որ Իրանի եւ Սէուտական Արաբիոյ միջեւ քաղաքական լարուածութեան պատճառով քարիւղի գինը նուազեցաւ 3 առ հարիւրով:

Սէուտական Արաբիոյ արտաքին գործոց նախարար Ատել Ժուպէյր յայտարարեց, որ իր երկիրը պիտի խզէ Իրանի հետ բոլոր առեւտրական յարաբերութիւնները եւ պիտի կասեցնէ Իրանի հետ օդային բոլոր թռիչքները:

Պաղտատ.

«Բաբելոնի Նահանգին Մէջ Միւնիստական Մզկիթներու Ականահարումը Յարանուանական Թշնամանք Յառաջացնելու Փորձ Է»

Իրաքի արտաքին գործոց նախարարութիւնը յայտարարեց, որ հարաւային Իրաքի Բաբելոն նահանգին մէջ սիւննիական մզկիթներու սկանահարումը Իրաքի յարանուանութեանց միջեւ թշնամանք յառաջացնելու եւ շրջանին մէջ արձանագրուող զարգացումներուն լոյսին տակ յարանուանական լարուածութիւնը հրահրելու յուսահատական փորձ է: Նախարարութիւնը զգուշացուց սադրանքի հրահրումէն եւ իրաքեան լրատուամիջոցներուն կոչ ուղղեց տէր կանգնելու իրենց ազգային, արհեստավարժական եւ բարոյական պատասխանատուութեան ու շրջանառութեան մէջ չդնելու մեկնաբանութիւններ, որոնք կը ծառայեն Իրաքի թշնամիներուն նպատակին:



Նշենք, որ մայրաքաղաք Պաղտատի եւ շիիներով բնակուած իրաքեան քաղաքներու մէջ Երեքշաբթի օր տեղի ունեցան շէյխ Նմրը Նմրրի գլխատման դէմ բողոքի ցոյցեր:

Ըստ Քիւրտ Պաշտօնատարի Մը. Առանց Ժողովուրդի Կամքին Իրաքը Միացեալ Պահելու Որելէ Փորձ Դատապարտուած Է Ձախողութեան



Հիւսիսային Իրաքի Քրտական ինքնավար մարզի ազգային ապահովութեան խորհուրդի խորհրդական Մասրուր Պարզանի յայտարարեց. «Իրաքը մասնատուած է: Միւնիները միացեալ Իրաքին կը հաւատան, երբ իշխանութիւնը իրենց ձեռքը ըլլայ, եւ միացեալ Իրաք կոչուած բան գոյութիւն չունի»՝ նշելով. «Առանց ժողովուրդի փափաքին ու կամքին Իրաքը միացեալ պահելու որելէ փորձ դատապարտուած է ձախողութեան»:

Պարզանի նշեց, որ կարիքը կայ իրականութիւնները ընդունելու յանդգնութեան եւ պէտք է քաղաքացիներուն առիթ ընծայել, որպէսզի իրենք որոշեն, թէ ի՛նչ կ'ուզենք ու կը փափաքինք:

Թուրքիան Մտադիր Է Ռուսիոյ Դէմ Բողոք Ներկայացնել Առեւտուրի Միջազգային Գործակալութեան

Թրքական «Տէլի Սապահ» օրաթերթը կը հաղորդէ, որ Թուրքիոյ տնտեսութեան նախարար Մուսթաֆա Էլիթաշ յայտարարած է, որ Թուրքիան կը պատրաստուի Ռուսիոյ դէմ բողոք ներկայացնել Առեւտուրի համաշխարհային կազմակերպութեան՝ Մոսկուայի կողմէ սահմանուած պատժամիջոցներուն պատճառով, ինչպէս նաեւ նոյնպիսի հայցեր ներկայացնել միջազգային դատարաններուն:

Խօսքը «թրքական առեւտուրը ճնշելու» մասին է, ըսուած է հրապարակման մէջ:

Թուրք նախարարին պնդումով՝ ռուսական փոքր քաղաքներուն մէջ թրքական ընկերութիւններուն կը հարկադրեն իրենց մասնաբաժինը վերավաճառել տեղւոյն գործընկերներուն:

«Առեւտուրը պէտք է բարոյական սկզբունքներու վրայ հիմնուած ըլլայ: Այդ գործարարները վստահած են ռուսական կառավարութեան եւ ներդրումներ կատարած այդ երկրին մէջ», ըսած է ան:



Ըստ Էլիթաշի, իրենք այժմ փաստեր ու ապացոյցներ կը հաւաքեն՝ հայցեր ներկայացնելու համար:

Ռուսիան Թուրքիոյ դէմ պատժամիջոցներ հաստատած էր 28 նոյեմբերին՝ երկրի նախագահ Վլատիմիր Փութինի հրամանով:

ԱՆՂԱՐԱՐ

Հարիւր Տարի, Հարիւր Երգ, Հարիւր Աշակերտ...

ԳՈՀԱՐ համոյթը Հայոց ցեղասպանութեան 100-ամեակի իր գործունէութիւնները եզրափակեց՝ երջանկացնելով հարիւր հայ աշակերտներ՝ իրենց դպրոցներուն ու ծնողներուն հետ միասին:

ԳՈՀԱՐ-ը արուեստով համակուած իր աննախընթաց ելոյթներով զարմացուցած, ուրախացուցած եւ հպարտացուցած է աշխարհասփիւռ հայ արուեստասէր հասարակութիւնը: Սակայն ԳՈՀԱՐ-ը հանդիսատեսին հաղորդակից է ոչ միայն իր արուեստով, այլ նաեւ՝ աւանդութեան կարգ անցած նուիրաբեր գործունէութեամբ:

Իւրաքանչիւր ելոյթէ ետք ԳՈՀԱՐ-ի որոշմամբ համերգներու հասոյթը կը նուիրաբերուի ազգային նպատակներու համար՝ ԱԲԳ-ի եւ հայ ուսուցիչի: Այս տարի ԳՈՀԱՐ համոյթի հիմնադիր Յարութ Խաչատուրեանի գլխաւորութեամբ որոշուեցաւ Լիբանանի 2015-ի ելոյթներու հասոյթը յատկացնել նիւթական օժանդակութեան կարիք ունեցող եւ առաջնակարգ հարիւր հայ աշակերտներու:

ԳՈՀԱՐ-ի այս որոշումը տեղին է ու արդարացուած: Չէ՞ որ անոր ճանապարհը միշտ առաջնորդուած է ԱԲԳ-ով, ու հայ դպրոցը այն դարբնոցն է, որ կը սատարէ հայապահպանման սուրբ առաքելութեան:

16-17 Դեկտեմբերին բժախնդրօրէն ընտրուած հարիւր հայ աշակերտներ, ոմանք իրենց ծնողներով, ուրիշներ դպրոցի տնօրէնութեան առաջնորդութեամբ այցելեցին ԳՈՀԱՐ-ի երգարաններու եւ բառարաններու գրադարանը՝ ստանալու համար յատկացուած համեստ գումարը: ԳՈՀԱՐ-ի աշխատակազմը աշակերտները ընդունեց շատ ջերմութեամբ՝ հարազատութիւն ցուցաբերելով անոնց նկատմամբ: Նուէր գումարին մէկ մասը պէտք է յատկացուի դպրոցի կրթաթոշակին, իսկ մաս մըն ալ աշակերտին անձնական պէտքերը հոգալու համար: Ինչո՞ւ չէ, նաեւ՝ Նոր տարուան սեղանը աւելի ճոխ եւ ջերմ դարձնելու, ըստ հայկական աւանդութեան, չիր ու չամիչով զարդարելու: Կը թուի, թէ շատ սովորական երեւոյթ է եւ աշխատանքային պարզ ընթացք է գտնուիլ տեղ մը, ուր մարդիկ կու գան զանազան հարցերով, բայց եւ այնպէս մարդը որքա՞ն բան ունի սորվելու: Խիստ յուզիչ եւ տպաւորիչ էր այդ երկու օրուան բարենպաստ աշխատանքը: Որքա՞ն կարելի է գոհունակ եւ երախտապարտ ըլլալ կեանքին, երբ կը լսես մարդոց ամէնօրեայ մտահոգութիւններն ու դժուարութիւնները եւ կը զարմանաս իրենց մէջ ունեցած այն ուժին եւ կորովին, որ հակառակ կեանքի դժուար եւ ծանր պայմաններուն՝ դեռ կը շարունակեն ժպտիլ ու լուստեսութեամբ կառչած մնալ այս կեանքին: Որքա՞ն բան ունի մարդը սորվելու, երբ անոնց աչքերուն մէջ կը տեսնես շնորհակալութեան եւ երախտապարտութեան զգացումը: Գոհունակութիւնը փոխադարձ էր:

ԳՈՀԱՐ-ի մեծագոյն գնահատականը եղած են մարդոց անկեղծ, անմիջական եւ սրտաբուխ շնորհակալական խօսքերն ու վերաբերմունքը: Փափաքս է, որ բոլորս մեր կարելիութեան սահմաններուն մէջ, գործով թէ նիւթապէս, միշտ թեւ ու թիկունք կանգնինք հայ դպրոցին: Հայ դպրոցը հայու իսկական կերպարը կերտող հիմքն է: Մեզմէ իւրաքանչիւրը պէտք է ի գործ դնէ իր կարելին՝ հայ դպրոցի պահպանման համար, որովհետեւ այդպիսով ապահոված կ'ըլլանք հայ նոր սերունդի առողջ ու կայուն գոյատեւումը:

Համեստօրէն շնորհակալութիւն ԳՈՀԱՐ համոյթին՝ իր տարած ազգանուէր գործունէութեան համար:


ՅԱԿՈՒՔ ՓՈՔՐԱԻՈՐԵԱՆ

ԼՈՒՐԵՐ ԳԱՂՈՒԹՆԵՐԷՆ

Նիւ Եորքի Մէջ ՀՅԴ 125-Ամեակի Նշում Եւ Սուրիահայութեան Ի Նպաստ Դրամահաւաք

Շաբաթ, 5 Դեկտեմբերին, Նիւ Եորքի մէջ ՀՅԴ «Արմէն Գարօ» կոմիտէին կազմակերպութեամբ տեղի ունեցաւ ՀՅԴ 125-ամեակի նշումը:

Հայաստանի եւ ՀՅԴ քայլերգներու կատարումներէն ետք, «Արմէն Գարօ» կոմիտէին եւ ՀՅԴ 125-ամեակի յանձնախումբին անունով երեկոն պաշտօնապէս բացուած յայտարարեց Նազարէթ Մարգարեան: Ան ողջունեց ներկաները սոյն յօբելէական ձեռնարկին իրենց մասնակցութեան համար, ապա հրաւիրեց ներկաները մէկ վայրկեան յոտնկայս յարգելու յիշատակը բոլոր երդուեալ դաշնակցական նահատակներուն՝ անցնող 125 տարիներուն ընթացքին:



Այնուհետեւ պաշտօնական խօսք փոխանցեց Արեւելեան Ամերիկայի Կեդրոնական կոմիտէի ներկայացուցիչ Հայկ Օշական, որ նախանձախնդրութեամբ ընդգծեց ՀՅԴ գործունէութեան 125-ամեայ վաստակն ու ներդրումը՝ Հայաստանին, հայ ժողովուրդին եւ ընդհանրապէս ապակեդրոնացեալ դրութեամբ իր 125 տարիներու ներկայութեան:

Օրուան երկրորդ պատգամաբերը Հալէպէն Կեդրոնական կոմիտի անդամ Ներսէս Մարգիսեանն էր, որ ամփոփ եւ շատ սեղմ գիծերու մէջ ներկայացուց Սուրիոյ մէջ տիրող կացութիւնը եւ յատկապէս Հալէպի, Քեսապի, Դամասկոսի, Տէր Զօրի մէջ եւ այլուր հայութեան այսօրուան դիմագրաւած դժուարութիւնները: Ան ընդգծեց, թէ սուրիահայութիւնը որպէս խորհրդանիշը հայութեան, երբեք չթուլացաւ եւ ցայսօր կը շարունակէ իր գաղութային ազգային եւ քաղաքացիական պարտականութիւններն ու կեանքը՝ միութենական, դպրոցական, եկեղեցական եւ այլ ընկերային բնագաւառներէ ներս:



Ներսէս Մարգիսեան մատնանշելով այսօրուան Սուրիոյ իրականութեան մէջ կեանքի ու մահուան պայքարը՝ շեշտեց, որ ինքնանպատակ չէ սուրիահայութեան պայքարը:

«Ներկայ իրավիճակը, միջազգային հանրութեան նաեւ մտահոգութեան առանցքը կը կազմէ: Անիկա շատ խոր իմաստ ունի ու կը վերաբերի ամբողջական հայութեան եւ ոչ թէ միայն

սուրիահայութեան: Շատ յստակ է, որ այսօր մեր թշնամին, որ կ'ուզէ Յեղասպանութենէն վերապրող այդ գաղութը մեր հաւաքական յիշողութեան մէջէն ջնջել: Այլապէս շատ դիւրին կ'ըլլար գաղութը տեղափոխել ուրիշ երկնականմարի տակ, եթէ ինքնանպատակ ըլլար», ըսաւ Սարգիսեան եւ կարեւորութեամբ անդրադարձաւ ՀՅԴ-ի կողմէ առաջին օրէն իսկ ստեղծուած Շտապ օգնութեան եւ վերականգնումի մարմինին տարած կամաւոր աշխատանքին մասին:

Աւարտին Ներսէս Սարգիսեան ներկաներուն վստահեցուց, թէ այս մարմինին թափանցիկ եւ ամէնէն բծախնդիր ձեւով գործելուն մասին: Ան հիմնականին մէջ երեք դժուարութիւններու մասին խօսեցաւ. առաջին՝ հայերու ապահովական խնդիրներուն, երկրորդ՝ կենցաղային տագնապի մասին, ինչպէս՝ ըմպելի ջուրի, հացի եւ սնունդի, երրորդ՝ տնտեսական դժուարութեան մասին: Եւ այս դժուարութիւնները նշելով՝ ան յայտնեց, թէ Շտապ օգնութեան մարմինն է, որ կը հոգայ եւ նեցուկ կը կանգնի ժողովուրդին՝ գործակցութեամբ ՀՕՄ-ին, ՀԲԸՄ-ին, հայոց թեմի առաջնորդարանին եւ յարանուանութեանց, երեք համահայկական կուսակցութիւններուն եւ բոլոր ուղեկից միութիւններուն:



«Համայնքին գործունէութիւնը կը շարունակուի խանդավառ եւ յանձնառութեամբ: Սուրիոյ մէջ մնացող հայերուն թեւ եւ թիկունք ենք: Կը քաջալերենք Հայաստան տեղափոխուող հայութեան ծրագիրը: Վերջ ի վերջոյ նաեւ կապի մէջ ենք գաղութներու ներկայացուցիչներու հետ, որպէսզի տեղական հայ իրականութեան մէջ ներառեն սոր գաղթած հայերը, որպէսզի չհեռանան իրենց ինքնութենէն», ըսաւ Սարգիսեան իր խօսքի աւարտին:

Բեմ հրաւիրուեցաւ Ֆիլատելֆիայէն ժամանած «Արցախ» նուագախումբն ու երգիչ Անդրանիկ Վարդանեանը, որպէսզի հայրենասիրական, ազգային, յեղափոխական եւ ազգագրական երգերու ընդմէջէն խանդավառեն ներկաները:

Յայտագիրի ընթացքին նաեւ ՀՅԴ 125-ամեակը խորհրդանշող կարկանդակի հատում տեղի ունեցաւ՝ ձեռամբ Արեւելեան Ամերիկայի Կեդրոնական կոմիտէի ներկայացուցիչ Հայկ Օշականի եւ ՀՅԴ Սուրիոյ Կեդրոնական կոմիտէի անդամ Ներսէս Սարգիսեանի:

www.armenianprelacykw.com

ԱՅԼԱԶԱՆ

Ակնագարուկը Արագ Բուժելու Բնական Միջոցներ

Եթե ձեր կապին վրայ ակնագարուկ յայտնուի, մի՛ սպասեք, որ մեծնայ, անմիջապես ճարին նայեցեք:

«Հելթի ֆուտ սթար»-ի համաձայն, կարելի է ակնագարուկը (աչքի գարի, գարուկ) դարմանել բնական միջոցներով՝ գետնախնձոր, հաւկիթ, սխտոր կամ վարունգ օգտագործելով:



ա.- Կե=ուած գետնախնձորը քերոցէ անցրնել, ապա «թիւլ» կտորի մը մէջ դնել եւ ակնագարուկին վրայ դնել: Ասիկա արագ միջոց է ցաւը մեղմացնելու համար:

բ.- Հաւկիթի ճերմկուցին մէջ մաքուր բամպակ մը թաթխել ապա բամպակը ակնագարուկին վրայ տեղաւորել, ձգել քառորդ ժամ, ապա ցօղուել մաքուր ջուրով:

գ.- Նոյն արդիւնքը կը ստանաք նաեւ վարունգը օգտագործելով:

դ.- Կիսուած սխտորի պճեղով մը օրական քանի մը անգամ շփեցեք ակնագարուկը: Միտորը թէ՛ հականեխտղ է, թէ՛ դարմանող:

Ամենէն Օգտակար Մթերքներու Լաւագոյն Տասնեակը

Մնունդի ոլորտի մասնագէտները կազմած են ամենէն օգտակար մթերքներու լաւագոյն տասնեակը. ստորեւ ցանկը.

- 1.- կիտրոն
- 2.- պրոքոլի
- 3.- սեւ տուրմ
- 4.- կարմիր գետնախնձոր
- 5.- սալմոն ձուկ
- 6.- ընկոյզ
- 7.- աւոքասո
- 8.- սխտոր
- 9.- ընդեղեններ
- 10.- կաթնեղեններ



www.aztagdaily.com